



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

Broj: 01-GV-02-1133-1/23
Sarajevo, 26.07.2023. godine

Shodno odredbama člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) i člana 148. Poslovnika Gradskog vijeća Grada Sarajeva („Službene novine Kantona Sarajevo“, br. 28/09, 11/20 i 19/20), na 30. sjednici Gradskog vijeća Grada Sarajeva, održanoj dana 26.07.2023. godine, **gradski vijećnik Muamer Mekić** uputio je inicijativu evidentiranu pod brojem 01-GV-02-1133/23 dana 24.07.2023. godine, koja je u prilogu ovog akta.

PREDSJEDAVALJUĆI GRADSKOG VIJEĆA

Jasmin Ademović, s.r.

Prilog:

- Inicijativa

Dostaviti:

- Gradonačelnici
- evidenciji
- a/a

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



MUAMER MEKIĆ

Gradski vijećnik u Gradskom vijeću
Grada Sarajeva

Bosna i Hercegovina - Federacija Bosne i Hercegovine
Kanton Sarajevo - GRAD SARAJEVO
GRADSKO VIJEĆE

PRIMLJENO:	24. JULI 2022.	
Org. jed. broj	Prilog	Vrijednost
01-GV-02-1133/22		

**GRADSKO VIJEĆE GRADA SARAJEVA
PREDSJEDAVALJUĆI GRADSKOG VIJEĆA**

Predmet: **Inicijativa**

U skladu sa članom 148. Poslovnika Gradskog vijeća Grada Sarajeva ("Službene novine Kantona Sarajevo", broj 28/09, 11/20 i 19/20), podnosim sljedeću

INICIJATIVU

Potrebno je da gradonačelnica Grada Sarajeva putem nadležnih službi, razmotri mogućnost izdvajanja neophodnih finansijskih sredstava iz Budžeta Grada Sarajeva kao pomoć i podršku Hokejaškom savezu Bosne i Hercegovine na ime nabavke sportske ograde za hokejaško igralište shodno dostavljenom predračunu od strane saveza, a koja bi bila postavljena na ledenoj pisti pored kompleksa Zetra za potrebe održavanja treninga i utakmica naše reprezentacije i za potrebe Bosanskohercegovačke hokejaške lige.

Obrazloženje

Poznato je da Grad Sarajevo kroz svoje aktivnosti daje veliku podršku razvoju sporta. U navedenu podršku opravdano se može ubrojati i hokej na ledu, sport koji obzirom na rezultate i istrajnost koju ovi sportaši pokazuju, to i zaslužuje. Tako je naš grad bio ponosni domaćin Svjetskog juniorskog prvenstva u hokeju održanog u mjesecu aprilu 2022. godine koji je svečano otvorila gradonačelnica Grada Sarajeva, pri čemu je uputila poziv na obavezu ulaganja u nadarenu bosanskohercegovačku mladost i mlade reprezentativce, Ledene Zmajeve. Nadalje, u ne tako dalekoj prošlosti, tačnije 2015. godine, Grad Sarajevo bio je pokrovitelj međunarodnog turnira u hokeju na ledu „Happy hockey days“ i tim povodom u ledenoj dvorani Zetra održana je press konferencija na kojoj je naglašena potreba i značaj razvoja ledenih sportova na ovim prostorima. Zbog naprijed navedenog evidentan je doprinos koji ovi sportisti daju razvoju bh sporta uopće, a što je od posebnog značaja za naš grad. U obavljenim razgovorima sa ovlaštenim licima Hokejaškog saveza saznao sam da im je neophodna nabavka sportske ograde za hokejaško igralište koja bi bila postavljena na ledenoj pisti pored kompleksa Zetra, a na koji način bi se uslovi treninga i odigravanja utakmica značajno olakšali.

Sredstva koja su im potrebna u ove svrhe iznose približno 50.000,00 KM, a za što bi bili obavezni dostaviti odgovarajuću dokumentaciju po osnovu koje bi se izvršila isplata.

Zbog naprijed navedenog, molim Gradsko Vijeće da Inicijativu podrži kako bi shodno odredbi člana 148. stav (3) Poslovnika Gradskog vijeća postala inicijativom Gradskog vijeća.

GRADSKI VIJEĆNIK
Muamer Mekić

Sarajevo, 24.07.2023. godine